

86 rekstur barnaheimilisins, eftir þar um gerðum samningi, er stjórninni það heimilt, 25. maí enda samþykki framkvæmdanefnd Umdæmisstúkunnar nr. 1 slíka ráðstöfun.

12. gr.

Nú verður ekki lengur þörf á að reka heimilið, sbr. 4. gr., eða rekstur stofnunarinnar leggst niður af einhverjum ástæðum öðrum, svo sem ef Umdæmisstúkan nr. 1 eða önnur deild góðtemplarareglunnar telur sér ekki fært að reka stofnunina áfram, eða ef góðtemplarareglan á Íslandi hættir að starfa, og skal þá ríkisstjórnin ráðstafa eigninni og sjá um að hún, eða andvirði hennar umfram skuldir, verði notað til mannúðarstarfsemi eða í þágu uppeldismála í núverandi þinghá Umdæmisstúkunnar nr. 1, eftir því sem bezt hentar á hverjum tíma.

13. gr.

Skipulagsskrá þessari getur framkvæmdanefnd umdæmisstúkunnar breytt, enda séu $\frac{2}{3}$ hennar með breytingunni og stórtemplar samþykki. Þá þarf og staðfestingu ríkisvaldsins til þess að breyting öðlist gildi.

14. gr.

Með skipulagsskrá þessari er úr gildi numin skipulagsskrá fyrir sumarheimili templara nr. 178 9. júlí 1942 (Stj.tíð. 1942, bls. 257—259).

15. gr.

Að fengnu samþykki stórtemplars skal leita staðfestingar forsetans á skipulagsskrá þessari.

Samþykkt á fundi framkvæmdanefndar Umdæmisstúkunnar nr. 1

19. maí 1946.

Jón Gunnlaugsson,
umdæmistemplar.

Þorsteinn Sveinsson,
umdæmisritari.

Veiti hér með samþykki mitt.

Reykjavík, 23. maí 1946.

Kristinn Stefánsson,
stórtemplar.

87 Staðfesting forsetans á skipulagsskrá „Sængurkvennasjóðs Saurbæjarhjóanna“, 27. maí útgefin á venjulegan hátt að mandatum af dómsmálaráðherra 27. maí 1946. Skipulagsskráin er þannig:

SKIPULAGSSKRÁ

Sængurkvennasjóðs Saurbæjarhjóanna.

1. gr.

Sjóðurinn er stofnaður eftir hugmynd Eyjólfssonar, bónda í Saurbæ á Kjalarnesi og konu hans, Vilhelminu Eyjólfsdóttur, sem bæði eru látin, og til minningar um þau, af syni þeirra, Ólafi Eyjólfssyni, bónda í Saurbæ, og konu hans, Guðlaugu Jónsdóttur.

Höfuðstóll sjóðsins er kr. 1280.00, sem Eyjólfur og Vilhelmina höfðu lagt til 87
hliðar í þessu skyni. Við þetta bætist framlag Ólafs Eyjólfssonar og Gauðlaugar 27. maí
Jónsdóttur, að upphæð kr. 600.00, samtals kr. 1880.00.

Fé þetta skal ávaxtað í Söfnunarsjóði Íslands og skal vöxtum sjóðsins varið samkvæmt 2. gr.

2. gr.

Þegar vextir sjóðsins nema fullum kr. 100.00 skal $\frac{3}{4}$ hlutum þeirra verja til styrktar eða glaðnings fátækum sængurkonum í Kjalarneshreppi eða Kjósarhreppi samkvæmt tillögu viðkomandi ljósmæðra. $\frac{1}{4}$ hluta vaxtanna svo og allar gjafir eða annað, sem sjóðnum kann að áskotnast, skal leggja við höfuðstólinn. Höfuðstólinn má aldrei skerða.

3. gr.

Stjórn sjóðsins skipa: Sóknarpresturinn í Reynivallaprestakalli, oddviti Kjalarneshrepps og oddviti Kjósarhrepps. Ákveða þeir styrkveitingar úr sjóðnum og semja árlega reikninga fyrir hann.

Heimilt er að láta styrkveitingu falla niður eitt ár eða lengur, og skal þá geyma það fé, sem þannig sparast, til úthlutunar síðar, eftir ákvörðun sjóðstjórnar samkvæmt 2. gr.

Reikningar sjóðsins skulu árlega endurskoðaðir með hreppsreikningum Kjalarneshrepps, og getur stjórn sjóðsins birt þá í Lögbirtingablaðinu eftir því, sem ástæða þykir til.

4. gr.

Stjórn sjóðsins ber að halda sérstaka gerðabók fyrir sjóðinn, færa í hana skipulagsskrá þessa, styrkveitingar úr sjóðnum og annað, er varðar hag hans og rekstur.

5. gr.

Á skipulagsskrá þessari skal leita staðfestingar forseta Íslands.

Gjört að Saurbæ á Kjalarnesi, 2. janúar 1946.

Ólafur Eyjólfsson. Guðlaug Jónsdóttir.

S A M Þ Y K K T

um stjórn bæjarmálefna í Akureyrarkaupstað.

88

31. maí

Um stjórn bæjarmálefna.

1. gr.

Bæjarstjórn kaupstaðarins er skipuð 11 kjörnum bæjarfulltrúum. Þeir taka ákvarðanir á bæjarstjórnarfundum um þau málefni bæjarins, er til bæjarstjórnar koma.

Bæjarstjóra er rétt og skylt að sitja fund bæjarstjórnar. Hefur hann þar málfrælsi og tillögurétt, en ekki á hann þar atkvæði, nema hann sé jafnframt bæjarfulltrúi.

2. gr.

Störf bæjarstjórnar eru þessi:

1. Hún fer með fjármál bæjarins. Hún kveður því á um lántökur handa bænum og gerir samninga um þau efni, gerir áætlanir um tekjur hans og gjöld hvert almanaksár, og úrskurðar reikninga hans.